



ADVANTIS NEWSLETTER

Izdanje br. 51



Poštovani klijenti i partneri,

Pred vama je **51. sedmično izdanje** Advantis Newslettera.

Tržišta se brzo mijenjaju i pružaju mnogo investicionih mogućnosti, a pravi rezultati dolaze samo onima koji znaju **gdje, kada i kako** investirati. Upravo zato u svakom izdanju donosimo svježije informacije, ideje i zanimljive investicione priče.

Hvala vam što čitate i podržavate naš rad.

Srdačno,

[Advantis Broker tim](#)



U ovosedmičnom izdanju pročitajte:

- ✓ Korporativni kalendar za sedmicu pred nama
- ✓ MKD PRIVREDNIK d.o.o. Bijeljina kroz 7. emisiju obveznica prikupio 1,5 miliona KM
- ✓ Hrvatska se zadužila po 3% dok se strah od inflacije u regiji Centralne i Istočne Evrope smanjuje
- ✓ Raiffeisen srušio prag za preuzimanje Addika usred nadmetanja s NLB-om, očekuje se sličan potez NLB banke
- ✓ SK Hynix listiran na Nasdaq kroz ADR-ove dok se velika fluktuacija njihovih akcija kao i Samsunga i Microna nastavlja
- ✓ Nvidia izgubila bilion dolara vrijednosti, vraća se na nivo prije AI buma
- ✓ PepsiCo ispod očekivanja: američki potrošači stežu kaiš
- ✓ Samsung sa rekordnom dobiti, ali investitori ipak prodaju akcije

✓ Coca-Cola po 64. put zaredom povećava dividendu

Korporativni kalendar za sedmicu pred nama

Ove sedmice će u fokusu biti rezultati poslovanja američkih banaka, ASML Holding (ASML) i Taiwan Semiconductor (TSM):

- **Utorak 14.07.2026** - JP Morgan (JPM), Bank of America (BAC), Goldman Sachs (GS), Wells Fargo (WFC), Citigroup (C)
- **Srijeda, 15.07.2026** - Johnson&Johnson (JNJ), Morgan Stanley (MS), BlackRock (BLK), Bank of New York Mellon (BNY), United Airlines (UAL), ASML Holding (ASML)
- **Četvrtak, 16.07.2026** - GE Aerospace (GE), Netflix (NFLX), State Street (STT), Taiwan Semiconductor (TSM).

Korporativni kalendar je dostupan na linku: [korporativni kalendar](#)

MKD PRIVREDNIK d.o.o. Bijeljina kroz 7. emisiju obveznica prikupio 1,5 miliona KM

MKD PRIVREDNIK d.o.o. Bijeljina (MKD) je 7. emisijom emitovao 15.000 obveznica, pojedinačne nominalne vrijednosti 100,00 KM, ukupne nominalne vrijednosti emisije **1.500.000 KM**.

Upis i uplata obveznica na berzi je počeo 7. jula i završen **je isti dan** gdje je ukupno upisano i uplaćeno 15.000 obveznica, odnosno **100,00%** od ukupnog broja obveznica koje su bile predmet javne ponude.

Podsjećamo da je dospjeće ove emisije je **3 godine** od dana registracije obveznica iz emisije u Centralnom registru hartija od vrijednosti a.d. Banja Luka. Kamatna stopa iznosi **7,00%** na godišnjem nivou. Glavnica i pripadajući dio kamate isplaćivaće se u **jednakim mjesečnim anuitetima** (36 anuiteta).

 Izvještaj o 7. emisiji je dostupan na linku: [Izvještaj o rezultatima emisije](#).

Hrvatska se zadužila po 3% dok se strah od inflacije u regiji Centralne i Istočne Evrope smanjuje

Hrvatska se zadužila za 1,25 milijardi EUR izdavanjem obveznica na rok od pet godina uz kamatnu stopu od 3%, dok je prošlogodišnje izdanje destogodišnjih obveznica bilo po kamatnoj stopi od 3,16%.

Erste Bank je objavila [makroekonomsku analizu zemalja Centralne i Istočne Evrope](#) gdje su njihovi analitičari ocijenili da se strah od inflacije prouzrokovao ratom na Bliskom Istoku i posljedično rastom cijena energenata smanjuje. Većina vlada zemalja ovog regiona završila je više od pola planova zaduživanja u 2026. godini. Od svih zemalja regiona, Češka ima najjaču fiskalnu poziciju, dok su povećani rizici u Rumuniji zbog političke nestabilnosti te u Mađarskoj zbog velikog predizbornog trošenja budžetskih sredstava. [Više](#)

Raiffeisen srušio prag za preuzimanje Addika usred nadmetanja s NLB-om, očekuje se sličan potez NLB banke

Raiffeisen banka je prošle sedmice [smanjila minimalni prag prihvatanja u dobrovoljnoj ponudi za preuzimanje Addiko banke i snižen je na više od 55 posto svih Addiko akcija koje su predmet Ponude, tj. više od 10.607.756 Addiko akcija](#). Ostali uslovi ponude ostaju nepromijenjeni.

S druge strane, Nova ljubljanska banka (NLB) saopštila je da namjerava izmijeniti uslove svoje dobrovoljne javne ponude za preuzimanje kontrole nad austrijskom Addiko Bank AG, koja je prvobitno objavljena 13. maja 2026. godine. Prema novom saopštenju, [NLB planira da minimalni prag prihvatanja ponude, koji je do sada iznosio više od 75% akcija, spusti na više od 50%](#). Uz izmjenu praga, NLB će produžiti i period prihvatanja ponude, kako bi akcionarima Addika ostavila dovoljno vremena da razmotre novonastalu situaciju prije donošenja odluke.

SK Hynix listiran na Nasdaq kroz ADR-ove dok se velika fluktuacija njihovih akcija kao i Samsunga i Microna nastavlja

SK Hynix je prodao ADR (American Depositary Receipt) pod lokalnom oznakom SKHY u ukupnoj vrijednosti od 26,5 milijardi USD na Nasdaqu po pojedinačnoj cijeni od 149 USD. Jedan ADR nosi jednaka prava kao desetina akcije na Seulskoj berzi. Ovo će omogućiti kako institucionalnim tako i retail klijentima u SAD da investiraju u jednog od tri proizvođača čipova čije akcije su doživjele rast od oko 700% u ovoj godini.

Međutim, posljednjih sedmica, nakon objave fantastičnih rezultata Micron-a (rast dobiti od skoro četiri puta) i prošle sedmice Samsunga (rast operativne dobiti za skoro 19 puta u odnosu na prethodnu godinu), investitori su postali nervozni i dnevne fluktuacije cijena su ogromne. Problem je u tome što je veoma teško praviti projekcije budućeg poslovanja nakon ovakvog rasta poslovanja, dok je sa druge strane za očekivati da će se pojaviti izazivači koji će uzeti dio tržišta.

Michael Burry koji je predvidio globalnu finansijsku krizu 2008. godine i ostvario ogromnu zaradu kroz "šortovanje Fannie Mae i Freddie Mac" ovaj put je ["šortovao" akcije Microna](#). [Više](#)

Nvidia izgubila bilion dolara vrijednosti, vraća se na nivo prije AI buma

Nakon što je u manje od dva mjeseca izgubila oko jedan bilion dolara tržišne vrijednosti, akcije Nvidije je na najnižem nivou od prije procvata vještačke inteligencije koji je doveo do njenog naglog porasta vrijednosti.

Niža vrijednost Nvidije nije posljedica slabijih poslovnih izgleda. Naprotiv, analitičari Wall Streeta posljednjih su mjeseci povećavali svoje prognoze zarade ove kompanije. Pad cijene akcije uveliko odražava interes investitora za vještačku inteligenciju (AI) koji se seli u druga područja, poput proizvođača memorijskih i data rješenja, uključujući Micron Technology. [Više](#)

PepsiCo ispod očekivanja: američki potrošači stežu kaiš

PepsiCo je objavio rezultate za drugi kvartal koji su donekle razočarali tržište, pri čemu je kompanija zabilježila slabiju zaradu po akciji od očekivane, dok je prihod ipak nadmašio projekcije analitičara zahvaljujući snažnoj međunarodnoj tražnji za grickalicama i napicima. Prilagođena zarada po akciji iznosila je 2,20 dolara, neznatno ispod očekivanih 2,21 dolara, dok je prihod dostigao 24,18 milijardi dolara naspram očekivanih 23,95 milijardi. Neto dobit kompanije skoro je udvostručena u odnosu na isti period prošle godine i iznosila je 2,98 milijardi dolara. [Više](#)

Samsung sa rekordnom dobiti, ali investitori ipak prodaju akcije

Samsung Electronics je objavio preliminarne rezultate za drugi kvartal koji pokazuju operativni profit od 89,4 biliona vona (58,4 milijardi dolara), naspram 57,2 biliona vona u prethodnom kvartalu, dok je prihod dostigao 171 bilion vona i više nego udvostručen u odnosu na isti period prošle godine, no uprkos ovako izuzetnim brojkama akcije kompanije su u utorak pale za skoro 7%, jer je tržište ove rezultate već unaprijed ugradilo u cijenu tokom prethodnih mjeseci, pa je objava, koliko god impresivna, djelovala samo kao potvrda očekivanog, a ne kao iznenađenje koje bi dodatno podstaklo kupovinu.

Analitičari dodatno navode da investitore brine održivost ulaganja u AI infrastrukturu i pitanje da li rast cijena memorijskih čipova, koji je do sada "pogonio" profite, može nastaviti istim tempom, dok dodatni pritisak na akcije stvaraju i najave da će Samsung graditi nova postrojenja za proizvodnju poluprovodnika u južnom dijelu Južne Koreje, lokaciji udaljenoj od tradicionalnih centara industrije gdje će kompanija praktično od nule graditi neophodnu infrastrukturu, a tome se pridodaje i konkurentski pritisak izazvan ovonedjeljnim uvrštavanjem akcija konkurentskog SK Hynixa na američku berzu putem ADR programa, što dodatno preusmjerava pažnju i kapital investitora sa Samsunga ka konkurenciji. [Više](#)

Coca-Cola po 64. put zaredom povećava dividendu

Coca-Cola je najavila 64. uzastopno godišnje povećanje dividende, čime potvrđuje status takozvanog "dividend kinga" - kompanije koja neprekidno isplaćuje sve veću dividendu duže od pola vijeka, što je rijedak signal stabilnosti posebno važan investorima koji računaju na pasivni prihod, poput penzionera.

Nakon posljednjeg povećanja, kompanija sada isplaćuje 0,53 dolara kvartalno po akciji, što uz trenutnu cijenu daje prinos od oko 2,5%, nešto niže od istorijskog prosjeka od otprilike 3%.

[Više](#)

 **Razgovarajte sa nama**

July
17

Rezervišite besplatne konsultacije

Prosljedite prijateljima...

Smatrate da bi ovaj Newsletter koristio i drugima? Prosljedite prijateljima:

Prijavite se na Advantis Newsletter

VAŽNE NAPOMENE

Advantis Newsletter je publikacija koja je sačinjena u informativne svrhe i sadrži selektivni prikaz podataka tj. odabrane berzanske indekse, sektore, kompanije i finansijske instrumente te takvi podaci ne predstavljaju prijedlog za ulaganje niti investicijsku preporuku.

Publikacija je sačinjena na način da ne uzima u obzir posebne investicijske ciljeve, ograničenja, finansijsku situaciju ili druge potrebe bilo kojeg klijenta ili potencijalnog klijenta.

Ova publikacija koristi javno dostupne podatke, vijesti i analize koje objavljuju odabrani relevantni izvori kao što su na primjer Bloomberg i CNBC. Iako smatramo da su navedeni podaci pouzdani, ne garantujemo za njihovu tačnost, potpunost ili pravovremenost.

Objavom ove publikacije Advantis Broker a.d. Banja Luka ne snosi nikakvu odgovornost za posljedice ili za eventualnu štetu nastalu korištenjem objavljenih podataka.

Klijenti i potencijalni klijenti se posebno upozoravaju da istorijska kretanja vrijednosti pojedinog berzanskog indeksa ili cijene finansijskog instrumenta nisu indikativni za buduće rezultate, odnosno da u budućnosti mogu značajno varirati. Vrijednost ulaganja i prinosi koji proizlaze iz investicije mogu se kako smanjiti tako i povećati. Budući prinosi nisu zagarantovani, a investiranje u finansijske instrumente može za posljedicu imati čak i gubitak glavnice.

Ova publikacija ne mora sadržavati sve podatke i informacije koje klijentu ili potencijalnom klijentu mogu biti potrebne za donošenje informisane investicijske odluke te može pružati samo ograničen pogled na pojedino tržište.

Sjedište društva Advantis Broker a.d. Banja Luka je u Banjaluci, Krajiških brigada 113, a društvo posluje pod nadzorom Komisije za hartije od vrijednosti Republike Srpske.

Ova publikacija se ne smije reprodukovati, distribuirati ili objavljivati bez obzira na namjeru, bez prethodnog izričitog odobrenja Advantis Broker a.d. Banja Luka.



Advantis Broker a. d. Banja Luka

Krajiških brigada 113, Banja Luka, Bosna i Hercegovina

www.advantisbroker.com

To unsubscribe, click on the link

[Unsubscribe](#)

